

K296.1

174

(485:2)

中國方志叢書·華北地方·第四八五號

據

清乾隆五十年刊本
清乾隆五十年刊本
周璣纂修

影印

河南省

杞縣志

(二)

成文出版社有限公司印行

杞縣志卷之五

建置志

城池公署

學宮

書院

衙署

倉庫

壇廟

寺觀

坊表

橋梁

昔先王度地居民必先有規模建置而後得與民相保於以出政治而施教化則城池衙署學校其要務也神道設教則有壇廟寺觀興起後賢則有坊表及鄉賢專祠他若倉廩以備凶荒橋梁候館以恤資旅大抵皆都邑中所不可缺而可視為具文哉杞城自明季始易以甃雉堞僅存近則梁築完固其餘如學宮以及祠廟等率多頽敝今始述為修整然而有其舉之不能無廢者勢也所賴後

之官斯土者隨時經理以永無廢墜則厚幸也

城池

按水經雍邱注云始皇圍築其表爲大城而以縣
焉此其始也唐張巡因其城惡移守睢陽元張朶
鎮之河水圯其北面乃徙於北二里已復修葺號
爲南杞縣卽今址是也明洪武三年知縣曹以崇
從而增築之宣德三年知縣舒模始擴而大之周
九里十分里之三高一丈五尺基濶省高之六上
濶省下之四闊爲七門南向者三西向者二東北
向者各一尋塞東南一門宏治十三年知縣武衛

正德四年知縣楊椿十二年知縣曹敏各加修葺
嘉靖十三年知縣王應築四重門浚池深一丈四
倍之樹以桑柳二十五年知縣蔡時雍三十一年
知縣麻三十六年知縣姚汝循相繼修葺萬歷
八年知縣苗朝陽塞其西南一門二十一年大雨
水幾復隍矣知縣馬應龍又修葺之沿堦樹之以
柳池中聽民種荷芰之類亦一時美觀也然猶土
堦耳至崇正八年流寇圍城孔棘知縣申佳印禦
之寇退始改築磚城周圍計丈一千四百有奇高
計二丈七尺有奇堦計三千六百有奇增修小西

門甕城一座其遠濶處增修堡屋十餘所屹然遂
成重鎮至十五年流寇李自成陷杞引其徒一日
夜墮城週半寇退縣丞劉天祐率土兵補築之

國朝定鼎以來初則巡撫鎮杞率猶倚爲保障中間
時加修葺而泥城不如灰城之固其勢漸就傾圯
康熙三十年知縣李繼烈慨然發憤增築之悉用
磚灰易其埤堦補其破壞又於各城門增營門樓
二座俱三楹畫棟丹壁翼然改觀嗣後知縣謝天
植寧佑陳賁李岱生王履仁王大樹相繼修葺
至乾隆癸未屢經大水在在坍塌縣令李錫嘏重

修經兩年後工竣閉塞小南門止存城門五座城
城周圍九里十三步計一千六百二十六丈五尺
除城門五座各寬二十丈寔在城垣計一千五百
二十六丈五尺高二丈五尺城壕高四尺外磚內
土築砌

學宮

在縣治西明洪武三年縣丞姚敏始創永樂五年
知縣章以善重修宣德三年知縣舒謨繼修成化
五年知縣張俊改作櫺星門戟門各三楹左學門
一楹大成殿五楹東西廡各七楹明倫堂五楹文

昌祠在戟門右在星祠在戟門左神厨又其左至
正氣坊尊經閣志道樓德二齋會儒堂學舍射圃
今俱廢建治九年知縣徐鍾以戟門爲五楹嘉靖
元年知縣劉藻修明倫堂七年知縣段續建敬一
亭十一年知縣王應遠改聖廟二十三年知縣蔡
時雍改志道爲德齋爲經義治亭嘉萬歷五年邑
人李東魯增學門爲三楹六年知縣李勣增左右
齋各五楹二十二年知縣馬應龍以戟門側圯重
加葺繕是

先聖廟曰大成殿門不稱戟從嘉靖

九年議也二十四年釐正木主又範金刻木爲祭
器籩豆各九十有六簋十簋七十有四登一鉶一
十有四霽雷尊象尊犧尊各一篇勺如尊斚爵一
百有二十豆二篚九今廢康熙十四年知縣塗山
現修治署悉修葺學宮並文昌奎星祠二十六年
知縣徐開錫撤其舊自大成殿及兩廡二門明倫
堂齋房厠庫一一完繕二十九年兩壞啟聖祠知
縣李繼烈重修四十七年知縣謝天植繼修雍正
七年知縣李岱生繼修乾隆元年邑人趙宗益等
捐修學宮改學門爲閣移奎星像於其上建文昌

闕於其北二年邑人高淑弼等又移名宦祠於學

門左移鄉賢祠於學門右

即文昌奎宿二祠廢址

四年知縣

王大樹浚泮池四十八年知縣徐如源捐俸修文

昌奎宿二閣移建於舊五狀元祠址並修明倫堂

五十三年知縣周璣因殿廡日久傾圯悉爲起造

整固

名宦祠始建無考順治九年邑人耿天眷劉聖箴

率闔邑捐金重修乾隆五十三年知縣周璣重造

鄉賢祠始建無考順治九年邑人耿天眷劉聖箴

率闔邑捐金重修

江禹緒製碑文

康熙二十年邑人內閣

中書侯方曾募衆重新之乾隆二十八年邑人生員侯經成募衆又重新之五十三年知縣周璣重造

五狀元祠始建無考乾隆四十八年知縣徐如源捐俸重修移建於舊文昌奎宿閣地五十三年知縣周璣重新之

書院

順治十六年巡撫亢得時創建發金置田二頃五十畝於楊爐寨以贍之知縣吳守宗建講堂三楹康熙五十九年知縣甯佑建於玉泉街乾隆二年

知縣王履仁移建於鄉賢名宦廢祠址乾隆十七年知縣潘思光率紳士捐銀一千兩以五百兩典侯怙毓舊宅爲志學書院餘五百兩加二生息爲書院廷師之費三十六年知縣汪修鏞將捐項付鹽商生息四十七年紳士復公捐銀五百兩共一千兩知縣徐如源將捐項付當店加二生息乾隆二十三年李方進捐地五十四畝均爲院長之費今廢爲候館乾隆五十三年知縣周璣捐俸改創於縣治之東隅爲東婁書院

衙署

縣治在城中央元時爲水所圯張柔遷於北圯至
元中燬於火復新之至大末河決北城西南陬新
者爲之蕩然徙築南城卽今所也縣尹王璵李德
恭相繼營繕至正末燬於兵明初洪武三年知縣
曹以崇始創築之宣德三年知縣舒謨增修之成
化五年知縣張俊復改作正德元年知縣楊奎五
年知縣楊椿嘉靖二十年知縣朱尙文二十五年
知縣蔡時雍萬曆八年知縣苗朝陽十七年知縣
徐夢鱗各加增繕其中五楹名曰忠愛堂楊椿改
建堂之東爲幕廳西爲冊庫堂之前爲露臺繚以

欄楯臺之東西爲廊各七楹以棲六曹東廊之南有土神及臯公祠西廊之南爲囹圄儀門之外有碑亭亭東爲屋三楹曰容室馬應龍建其南左右各五楹爲徵收之所又三楹南爲迎賓館大門若城闔重樓其上名曰撫辰設鐘鼓於上以司五夜銅漏在焉朱尙文建門之外左曰旌善右曰庫惡其前爲申明亭在屏牆之外堂之後爲退思廳亦五楹東有一樓最高曰庫樓楊奎建今廢庫樓北爲鑾駕庫南爲庫夫房今廢其西爲書齋徐夢麟建齋南爲內庫各有垣門西一小室爲巡夫棲宿

之所退思廳北爲知縣宅有樓五楹今廢翼以臺
室爲新宅苗朝陽建其後爲舊宅漸湊下矣張俊
建康熙十四年知縣塗山琨撤而大修之二十二
年知縣龍可旌重修碑亭二座二十六年知縣徐
開錫重修忠愛堂前楹並儀門內外甬道傍樹槐
三十餘株乾隆二年戒碑壞知縣王履仁移碑臯
公祠八年知縣王之衛因舊址改建木坊上書碑
銘下通車馬乾隆三十六年知縣汪修鏞詳請重
修大堂一座五楹二堂一座五楹三堂一座五楹
及抱厦三楹僉押房一座三楹外捐修撫辰樓

聖諭牌坊仍照舊制重修四十年知縣李震藩詳請重
修東書房一座三楹西書房一座三楹二堂前東
西廂房二座各三楹三堂前東西廂房二座各三
楹下房六座各三楹四十二年知縣邵一聯詳請
重修東西住房二座各三楹書辦科房六座各三
楹皂快班房四座各三楹五十一年知縣周璣於
縣東添建東書房院內退省齋一座三楹齋後書
房一座三楹東西耳房各一楹又後書房一座五
楹下房四座各三楹五十二年於退省齋前添建
書房二座各三楹東西廂房六座各二楹署內房

屋全行修輯整固

縣丞署於乾隆四十九年閏三月奉文裁汰其衙署變價改建於蘭陽河北岸

縣治西爲主簿宅縣丞宅南爲典史宅主簿宅西爲公塾天啟初裁主簿官改爲典史宅而典史舊宅遂廢公塾亦廢現在典史宅頭門一座大堂三楹書辦房班房堂東耳房及住房共三十六間舊存其書房後房廂房等又二十四間俱典史朱景軾新添

倉廩

庫附

已系

建置志

原稿不泯